

# CYNGOR CYMUNED CRYMYCH - CRYMYCH COMMUNITY COUNCIL

Clerc/Clerk: Bethan Williams, 9 Berllan Aur, Boncath, SA37 0AB  
cyngorcymunedcrymych@gmail.com / 01239 920180

## Cofnodion cyfarfod Cyngor Cymuned Crymych 03/03/2022

| Pwynt Agenda                      | Prif drafodaeth                                                                                                                                                                                                                                                                                                                                                                                                                                                                                                                                                                                                                                                                                                                                                                           | Penderfyniadau / Pwyntiau Gweithredu |
|-----------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------|
| 1. Croeso ac Ymddiheuriadau       | <p><b>Presennol</b><br/>Cynghorwyr - Cris Tomos (cadeirydd), Eirlys Twigg, Iwan Evans, Keith Davies, Bill Davies, Roger Howells, Hywel Lewis<br/>Clerc - Bethan Williams</p> <p>Ymddiheuriadau - Arwyn Rees, Dylan Sambrook, Emyr Thomas</p> <p>Nodwyd ei bod yn ddwy flynedd ers marwolaeth Undeg Lewis, a'n bod ni i gyd yn meddwl am y teulu.</p> <p>Nodwyd mai dyma'r cyfarfod olaf cyn yr etholiad a bod rhai cynghorwyr yn gorffen eleni, gan gynnwys Keith Davies sydd wedi bod yn gynghorydd am 19 mlynedd,<br/>Rhoddodd y Cadeirydd ddiolch i'r cynghorwyr i gyd am eu gwaith dros y blynyddoedd diwethaf.</p> <p>Mae 11 ffurflen enwebu wedi eu derbyn gan y sir ar gyfer ward Crymych felly mae pawb wnaeth gyflwyno ffurflen yn cael lle ar y cyngor ac ni fydd etholiad.</p> |                                      |
| 2. Cofnodion cyfarfod blaenorol   | Cynigiodd Roger Howells bod y cofnodion yn gywir, eiliodd Hywel Lewis ac fe'u derbyniwyd fel cofnod cywir.                                                                                                                                                                                                                                                                                                                                                                                                                                                                                                                                                                                                                                                                                |                                      |
| 3. Materion yn codi o'r cofnodion | <p><b>Cyfraniadau</b><br/>Mae'r cyfraniadau i Fel 'Na Mai wedi ei roi ac rydyn ni'n disgwyl manylion banc yr ambiwlans awyr.</p> <p><b>Cronfa Beni Edwards</b><br/>Mae Bethan wedi holi am ragor o wybodaeth ac yn disgwyl clywed nol</p>                                                                                                                                                                                                                                                                                                                                                                                                                                                                                                                                                 |                                      |

|               |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                   |                                                                                                            |
|---------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------|
|               | <p>gan y Comisiwn Elusennau.<br/> <b>Ffens Maes Meigan + Arwydd 20mya/30mya</b><br/> Mae Cris Tomos wedi rhoi gwybod i'r cyngor sir am y ddau beth yma.</p> <p><b>Tystysgrifau Gwaith Cymunedol</b></p> <ul style="list-style-type: none"> <li>Mae angen trefnu i gwrdd â Mollie Thomas er mwyn rhoi'r tystysgrif iddi, a danfon datganiad a llun at Clebran.</li> <li>Cytunwyd i gyflwyno tystysgrif i Jack Vaughan hefyd, gan ei fod yn torri porfa yng Nghrymmych.</li> </ul>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                  | <p>Cris i drefnu cyflwyno; Bethan i ddanfon at Clebran</p>                                                 |
| 4. Gohebiaeth | <p><b>(i) CFfl</b></p> <ul style="list-style-type: none"> <li>Datganodd Bill Davies ddiddordeb gan ei fod yn arweinydd ar glwb Hermon.</li> <li>Daeth cais gan CFfl Sir Benfro a gan glwb CFfl Hermon am gyfraniad at eu gwaith.</li> <li>Mae'r cyngor wedi rhoi mwy yn lleol nag yn siriol yn y gorffennol a chytunwyd i wneud yr un peth eleni.</li> <li>Cynigiodd Eirlys roi £300 i glwb CFfl Hermon, eiliodd Iwan a chytunwyd i roi £300.</li> </ul> <p><b>(ii) AgeCymru Dyfed</b></p> <ul style="list-style-type: none"> <li>Nodwyd bod y cyngor sir yn rhoi grant iddyn nhw bob blwyddyn ac felly bod trigolion eisoes yn cyfrannu trwy drethi.</li> <li>Nodwyd siom bod y llythyr yn uniaith Saesneg ac y dylen ni godi hynny wrthyn nhw.</li> <li>Cynigiodd Bil beidio rhoi cyfraniad iddyn nhw gan eu bod yn derbyn arian gan y cyngor sir. Eiliodd Hywel a chytunwyd i beidio cyfrannu.</li> <li>Nodwyd nad yw rhai cyngorau yn cyfrannu i unrhyw elusennau na grwpiau tu fas i'r ward, a bod hynny'n rhywbeth i'w ystyried - gan gadw mewn cof ein bod yn cefnogi elusennau fel yr Ambiwylans Awyr fel arfer.</li> </ul> <p><b>(iii) CAB Sir Benfro</b></p> <ul style="list-style-type: none"> <li>Nodwyd bod y llythyr yma yn uniaith Saenseg hefyd, ac eto, bod angen codi hynny gyda nhw.</li> <li>Mae'r cyngor sir yn rhoi arian i'r CAB Hwlfordd ac Aberteifi, a CAB Aberteifi sy'n gwasanaethu pobl y ward yn bennaf.</li> </ul> | <p>Bethan i holi am fanylion banc.</p> <p>Bethan i gysylltu i nodi siom nad oedd y llythyr yn Gymraeg.</p> |

|              |                                                                                                                                                                                                                                                                                                                                                                                                                                                                                                                                                                                                                                                                                                                                                                                 |                                                                                      |
|--------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------|
|              | <ul style="list-style-type: none"> <li>• Mae pobl wedi cael budd o help gan CAB Aberteifi ac rydyn ni wedi eu cefnogi yn y gorffennol.</li> <li>• Cytunwyd i beidio cyfrannu i CAB Sir Benfro ond i roi cyfraniad os daw cais gan CAB Aberteifi.</li> </ul> <p><b>(iv) Cylch yr Iaith</b></p> <ul style="list-style-type: none"> <li>• Mae Cylch yr Iaith wedi gofyn i ni ddanfon llythyr at Weinidog y Gymraeg ac Addysg i alw arnyn nhw greu deddf i atal newid enwau tai ac ardaloedd Cymraeg i'r Saesneg.</li> <li>• Cytunwyd i ddanfon llythyr a bod datganiad wasg i Clebran.</li> </ul> <p><b>(v) Teenage Cancer Trust</b><br/>Gan eu bod yn ceisio ehangu eu gwasanaethau cynigiodd Bill bod cyfrannu £200, eiliodd Roger a chytunwyd i roi £200.</p>                   | <p>Bethan i ddanfon llythyr a datganiad wasg.</p> <p>Bethan i gael manylion banc</p> |
| 5. Cynllunio | <p><b>Bryn Villa, Hermon (21/1176/PA)</b></p> <ul style="list-style-type: none"> <li>• Cais retrospect yw hwn a gan ei fod lan ers blwyddyn a hanner mae'n annhebygol o gael ei dynnu lawr.</li> <li>• Dydy'r sied ddim yn effeithio ar unrhyw un ac mae Roger wedi cysylltu fel unigolyn i esbonio mai sied wedi e thynnu lawr a'i hailadeiladu nes draw yw hi.</li> <li>• Penderfynwyd peidio cyflwyno sylwadau.</li> </ul> <p><b>Gwelfryn, Crymych (21/1175/PA)</b></p> <ul style="list-style-type: none"> <li>• Cais retrospect yw hwn.</li> <li>• Nodwyd pryder bod lot fawr o gŵn yn cael eu cadw yno a bod angen parhau i gadw golwg ar les yr anifeiliaid</li> <li>• Cytunwyd i ymateb i nodi'r pryder am nifer y cŵn ond nad oes gwrthwynebiad i'r siediau.</li> </ul> | <p>Bethan i ddanfon sylwadau ar y cais</p>                                           |
| 6. Cyllid    | <p><b>Cyfri Banc</b></p> <ul style="list-style-type: none"> <li>• Roedd £16,471.92 yn y banc ddiwedd Mawrth.</li> <li>• Gan na fydd etholiad awgrymwyd trafod rhoi swm tuag gyflogi swyddog datblygu cymunedol ar gyfer y ward yn rhan amser yn ystod tymor nesaf y cyngor.</li> <li>• Roedd nifer o bobl sydd angen eu tynnu o fandad y cyfri banc ac mae angen ychwanegu Iwan a Bethan</li> </ul> <p><b>Archwilio'r Cyfrifon</b></p>                                                                                                                                                                                                                                                                                                                                          |                                                                                      |

|                                        |                                                                                                                                                                                                                                                                                                                                                                                                                                                                            |                                                                  |
|----------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------|
|                                        | <ul style="list-style-type: none"> <li>• Bydd angen paratoi'r cyfrifon ar gyfer yr Archwiliad Blynnyddol.</li> <li>• Cytunwyd i ofyn i Delyth Thomas wneud yr archwiliad mewnol.</li> </ul> <p><b>Cyflog y Clerc</b></p> <ul style="list-style-type: none"> <li>• Cytunwyd i roi cynyddu o 5% ar gyflog y clerc, a chodi'r swm i £180 y mis cyn treth.</li> </ul>                                                                                                          |                                                                  |
| 7. Sbwriel                             | <ul style="list-style-type: none"> <li>• Mae anifeiliaid wedi bod yn rhwygo cydau du mewn rhai mannau, mae cynghorau cymuned eraill sydd wedi cael problemau tebyg wedi gosod camerâu sy'n ymateb i symudiad ac yn gallu tynnu lluniau gyda'r nos.</li> <li>• Mae modd gweld pa anifeiliaid sy'n gwneud a rhoi tystiolaeth i'r cyngor sir, fel eu bod nhw'n mynd i'r afael â'r broblem.</li> <li>• Mae camera yn costio £77.91 a chytunwyd o brynu un i'w osod.</li> </ul> | Cris i brynu camera a threfnu ei osod.                           |
| 8. Cinio Blynnyddol                    | <ul style="list-style-type: none"> <li>• Gan fod bingo gan CFfl Hermon ar 22/04 a bod sawl un yn dymuno eu cefnogi cytunwyd i gael y cinio blynnyddol ar 29/04.</li> <li>• Cytunwyd ar Llwyngwair.</li> </ul>                                                                                                                                                                                                                                                              | Bethan i gysylltu i drefnu                                       |
| 9. Dyddiad a lleoliad y cyfarfod nesaf | 7.30 ar y 12fed o Fai yn Llyfrgell Crymych                                                                                                                                                                                                                                                                                                                                                                                                                                 |                                                                  |
| 10 UFA                                 | <p><b>Clirio Palmant</b><br/>Mae dail a brigau ar y pafin wrth maes parcio Crymych. Mae angen gofyn i Meurig ei glirio.</p> <p><b>Dymp Hermon</b></p> <ul style="list-style-type: none"> <li>• Mae'r dymp ar gau drwy'r dydd ar ddydd Sadwrn ond ar agor ar ddydd Sul.</li> <li>• Byddai dydd Sadwrn yn fwy cyfleus i'r rhan fwyaf o bobl felly awgrymwyd gofyn fod y dymp ar agor ar ddydd Sadwrn yn hytrach na dydd Sul</li> </ul>                                       | Cris i holi i'r dymp fod ar agor ar ddydd Sadwrn yn lle dydd Sul |